

TSHIMOLOGO LE BOKHUTLO

JWA TEBALEBELO YA BADITŠHABA

 Dumelang, ditsala. Ke lebogela go nna fano, bosigong jono, gape. Ke fetsa go tloga fano, kgantele. Ke a akanya, ke ne ka tswa go ka nna nako ya bonê. Mme fong ke ne ka tshwanela go . . . re ne ra ya kong go bona ditsala dingwe tse dingwe. Mme ke ne ka boa, metsotso e le metlhano morago ga bosupa, ke ne fela ka tshwanela go boela kwano. Jalo ke tshwanetse ka mokgwa mongwe ke tsome temana, le mororo, Mokaulengwe Neville.

² Fela, jaanong, go na le topo e e fetsang go leletswa mo teng, go tswa ko mongweng ko Chattanooga, Tennessee, yo o ratiwang yo neng a le mo go thulaneng ga dikoloi dibeke di le tharo tse di fetileng, mme ena o santse, a robetse a idibetse. Mme go kopiwa thapelo fano, go tswa mo kerekeng. Mme . . .

³ [Mokaulengwe Neville a re, “Mokaulengwe Bill?”—Mor.] Ee, mokaulengwe? [“A nka dira kitsiso?”] Go tlhomame o ka kgona. Mokaulengwe Neville, tlaya fela. [“Intshwarele, Mokaulengwe Bill.”] Ee, rra. [“Ke batlile fela ke lebala, ke dirile tsholofetso go dira kitsiso bosigong jono.”] Fa go sa theipiwang teng mo theiping.]

⁴ Re ne re—re ne re bua ka ga Melegiseteké, Yo A neng a le ene, mme rona ga re sepe jaaka ba ba feditseng ka gone. Fela gongwe, nako e e latelang re tsena, re ka kgona go tswelela go tloga foo, re santse re le mo Bukeng ya Bahebere.

⁵ Fela, bosigong jono, re bula ka ko Bukeng ya ga Daniele. Mme lona ka Dibaebèle tsa lona, bulang ko go Daniele 12. Mme re ile go bala gannyé go tloga foo, re bo re bua, gongwe, ka lengwe la Lefoko la Modimo go tswa mo Bukeng ya ga Daniele.

⁶ Jaanong, Daniele e ne e le mongwe wa ba . . . ne e le moporofeti yo neng a hudusiwa go tloga ko Jerusalema, go ya golo ko Babilone, mo go hudusetsweng kwa Babilone, ke Kgosi Nebukatenesare. O ne a le mogoma yo monnyé fa a ne a fologela ko Babilone. Go ne go se ba le bantsi ba bone ba ba neng ba santse ba tshwareletse tumelo e ntentle ya kgale.

⁷ Ke rata Daniele, ka gore ya gagwe . . . o ne a ikaeleta seo mo pelong ya gagwe, fa a ne a fologela ko Babilone, gore o ne a ile go sala a le modumedi, mme o ne a sa tle go iteswefatsa ka dijo tsa kgosi, le jalo jalo. Jaanong, sone selo . . .

⁸ Mme Daniele o ne a le moporofeti wa Baditšhaba. Daniele o ne a bona paka yotlhe ya Baditšhaba e tlhatloga e bo e wa. O ne a le wa ntlha go dira, re mmitsa, moporofeti wa Baditšhaba.

O ne a se Moditshaba, ka boene. Fela o ne a bona tebalebelo ya Baditshaba, go tloga tshimologong go ya kwa bofelong; mo tlhogong ya gouta, mme e felelela mo dinaong tsa tshipi le letsopa.

⁹ Mme fa a santse a le golo teng koo, a ikemisetsa mo pelong ya gagwe gore ga a tle go iteswafatsa ka dijo tsa kgosi, le kgang ya kgosi.

¹⁰ Mme setlhophha se sengwe sa ga mokaulengwe, yo neng a bidiwa Shaderaka, Meshaka le Abedeneko, ne ba le golo koo le bone; ba ba neng ba se baporofeti, fela badumedi. Mme bona, gape, ba ne ba ikaeleta mo pelong ya bona. Mme fong nako e badumedi bao ba banê ba neng ba kopana, ke tlaa gopolga kgapetsakgapetsa, ba ne ba na le dikopano tsa thapelo ga mmogo.

¹¹ Fela jaaka re dira, re kopana ga mmogo ka gore re na le dilo tse re di tlhakanetseng. Lo a itse, go na le moono wa kgale o o reng, “Dinonyane tsa losika di fofa ga mmogo,” mme moo ke se, seane se se gologolo, ke raya moo, mme moo ke selo se se siameng thata, le gone. Dinonyane tsa losika di fofa ga mmogo. A ga lo a itumela ka nttha ya seo? Go tlhomame. Dinonyane tsa losika di fofa ga mmogo.

¹² Eseng bogologolo, ke ne ke ntse mo bokopanong kwa go neng go na le monna a buisanya ka sengwe. Mme o ne a re, “Sentle . . .” o ne a bua ka ga mewa ya botho e e neng e ile kwa kgolegelong, e neng e le ko kgolegelong, e Jesu a neng a ya mme a e rerela, morago ga loso lwa Gagwe. Mme monna yona yo neng a bua, ne a re, “Sentle, o akanya eng ka ga gone?”

¹³ Mme mokaulengwe wa lekhalate o ne a emeleta. O ne a re, “Sentle, seo ke fela se Baebele e se buileng. ‘O ne a ya mme a rerela mewa ya botho e e neng e le ko kgolegelong.’”

Ne a re, “O akanya gore e ne e le eng?”

¹⁴ Ne a re, “E ne e le ‘Mewa ya botho e e neng ya se ikotlhae, ka nako ya bopelotelele, mo metlheng ya ga Noa, nako e areka e neng e baakanngwa,’ fela jaaka Baebele e buile.”

¹⁵ O ne a re, “Nnyaya.” Ne a re, “Moo ke kereke ena, e rerela batho bao ba Mapentekoste ba ba leng mo makokong ana le sengwe le sengwe, e ba ntshetsa kwa ntle ga kgolegelo.”

¹⁶ O ne a re, “Jaanong, leba fano, mokaulengwe,” o ne a re, “Pentekoste e ne ebile e sa umakiwa foo.” O ne a re, gore, “O ne a bua fela, gore, ‘O ne a ya mme a rerela mewa ya botho e e neng e le ko kgolegelong.’”

Jalo he ke ne ka re, “Amen. Go ntse jalo.”

¹⁷ Mme modiredi o ne a dikologa a nteba, a bo a re, “Dinonyane tsa losika di fofa ga mmogo.”

¹⁸ Ke ne ka re, “Go ntse jalo, bakaulengwe ba Tumelo e e tshwanang e e rategang thata, ba dumela fela se Lekwalo le se buang gore ke Boammaaruri.”

Daniele o ne a na le di le ba le bararo ba bapati bao ba ba neng ba na nae.

¹⁹ Lo a itse, go molemo, fa o le kgakala le gae, go fitlhela mongwe yo o nang le wena, mongwe yo o tlaa go emang nokeng, tsala tota e e molemo. Ijoo! Ko mafatsheng a sele, fa o fitlhela mongwe yo o batlang go nna tsala ya gago, mme a go rate ebile a goeme nokeng, moo ke mo go leng ga boleng jo bo kana kana; bogolo segolo moeng.

Mme bakaulengwe bana ba ne ba tlosiwa mo motseng wa bone.

²⁰ Mme motsemogolo wa bone o ne wa fisiwa. Mme dijana tsotlhe tsa bone, le dilo tse di boitshepo tsa Modimo, di ne tsa isiwa golo ko Babilone, mme di ne tsa tsenngwa mo ntlong ya matlotlo ya ga Kgosi Nebukatenesare, yo neng a ba hudusetsa kong, kgosi e kgolo, e e tlolilweng thata ya Baditshaba. Jaanong, fa—fa Modimo a lettleletse seo, gore motsemogolo wa bone o fisiwe, kereke ya bone e fisiwe, mme ba isiwe golo ka mo motsemogolong, e ne e le ka ntlha ya gore ba ne ba tlogetse kgakala le Modimo.

²¹ Fela O ne a santse a na le modumedi yo A neng a ka bayaa diatla tsa Gagwe mo go ene, mme a re, “Yona ke motlhanka wa Me.”

²² Modimo o nnile ka gale a na le mosupi, golo gongwe. Ga a nke a Itlogela a sena mosupi. Go sa kgathalesege, go ne ga fitlha nako nngwe ko go a le mongwe fela, fela O tlhotse a na le mongwe yo A ka bayang diatla tsa Gagwe mo go ene, mme a re, “Yona ke motlhanka wa Me, mme o tlaa dira jaaka Ke mmolelela.” Jaanong, re rata seo.

²³ Re lemogang fong, gore, nako e bakaulengwe bana ba neng ba le golo koo, ba ne ba tsenngwa mo tekong.

²⁴ Sekai se se ntlae tota sa se modumedi wa nnete a tlang kwa go sone fa a amogela Morena Jesu e le Mmoloki wa gagwe. O tlholaa a tsenngwa mo tekong. Satane o santse a le mo tirong ya teko. Mme go tlaa fela go go thusa. Ke ga molemo wa gago.

²⁵ “Morwa mongwe le mongwe yo o tlang mo Modimong o tshwanetswe a lekwe, a otlhaiwe, a gotlhiwe,” ka mafoko a mangwe, “a newe petsonyana, a lolamisiwe. Mme fa Modimo a re naya kotlhao nngwe, mme re sa kgone go e itshokela, fong re fetoga go nna maselwane, mme eseng bana ba Modimo.”

²⁶ Jaanong, motho yo ka mmanete a tlhomileng sefatlhego sa gagwe ntlheng ya Legodimo, go sa kgathalesege se se diragalang fano mo lefatsheng, o santse a tlhomile sefatlhego sa gagwe se leibile ntlheng ya Legodimo. Ditsala tsa gagwe di ka nna tsa mo

latlha. Lelwapa la gagwe le ka nna la mo latlha. Modisa phuthego wa gagwe a ka nna a mo latlha. Fela go na le Mongwe yo o sa tleng go mo latlha; yoo ke Modimo. Mme fa monagano wa gago o tseile tshweetso! Ke rata seo.

²⁷ Daniele o ne a fisisitse maborogo otlhe fa morago ga gagwe. O ne a sa rulaganyetsa go tlhola, a boela morago. O ne a sa leba lebe motlhala wa gagwe wa kwa morago. O ne a lebile, a latlha dilo tseo tse di fetileng. O ne a tswelela pele go ya kwa letshwaong la pitso e e kwa godimo. Seo ke se re tshwanetseng re ka bo re se dira. Seo ke se Kereke e tshwanetseng ya bo e se dira.

²⁸ Mme jaaka ke lemoga, fong, Modimo o ne a letlelela Satane go mo naya teko. Mme, ao, ba ne ba ba leka, ka molelo. Ba ne ba ba leka, gape, ka serubi sa ditau. Mme mo lekgetlong lengwe le lengwe, Modimo o ne a ba ntsha, ba feta bafenyi.

²⁹ “Diteko tsa mosiami di dintsi, fela Modimo o mo golola go tswa mo go tsone tsotlhe.” Ka fa go gakgamatsang ka gone! Ka fa re itumelelang seo. Diteko, dipitlagano, diteko, tsotlhe di berekela molemo! Morago ga sebaka, Modimo o kgona go bona fong gore A kgone go baya tshepo ya Gagwe mo go wena, mme fong O tlaa go direla dilo tse dikgolo.

³⁰ Jaanong re fitlhela gore, fong, gore Daniele o ne a nna sedirisiwa mo seatleng sa Modimo, fa a ne a seyo mo bathong ba e leng ba gagwe, kwa ntle ga motsemogolo o e leng wa gagwe, kgakala le kereke e e leng ya gagwe, ko lefatsheng la seeng, Modimo ne a mo dirisa.

³¹ Jaanong, o ka kgona go nna kgakala le eng se o ka tswang o le sone. O ka kgona go nna kgakala le bottlhe ba ba ratiwang ba gago, kgotsa o ka kgona go nna kgakala le kereke ya gago, fela o ka nna wa bo o santse o le sedirisiwa mo diatleng tsa Modimo. Modimo a ka go dirisetsa bopaki kgotsa go nna sengwe le sengwe se A eletsang go se go dirisetsa.

³² Dikai tse di ntle! Baebele e tletse fela thata ka dilo tseo, gongwe le gongwe kwa o retologelang gone. A ga lo rate go bala Lefoko? Ao, ke Le bala fela, nako nngwe, mme ke lele.

³³ Fano malatsi a le mmalwa a a fetileng, ke ne ke bala mo phaposing foo, mme ke ne fela ka tshwanela go dula fatshe ke bo ke lela jaaka lesea. Ke ne ka tsoga ka bo ke tsamaya go dikologa setilo sa me, ka baya seatla sa me mo setilong sa me, ka leba fa Baebeleng ya me gape; ke ne fela ka lela go lela. Ne ka tsamaya go dikologa setilo gape, ka leba morago ko go sone gape. Ke ne ka akanya, “Ao tlhe Modimo, teng moo go Botshelo jo Bosakhutleng, ko monneng kgotsa basading bangwe le bangwe ba ba tlaa nnang pelokgale go baya tshepo ya bone mo go Lone, le go Le dumela.” Botshelo jo Bosakhutleng!

³⁴ Mme O ne a re, “Phuruphutsang Dikwalo, gonne mo go Tsone lo akanya gore lo na le Botshelo jo Bosakhutleng, mme Tsone ke Tsone tse di pakang ka ga Me.” Phuruphutsang Lekwalo.

³⁵ “Lefoko la Modimo ke lebone mo dinaong tsa rona,” gore re—gore re tle re supetswe tsela, fong. Ke Lesedi le le latelang tsela e e re eteletlang pele go tswa phenyong go ya phenyong.

³⁶ Jaanong, pele ga o ka nna le phenyo, go tshwanetse go nne le tlhabano. Mme fa go sena ditlhhabano, ga go na diphenyo. Jalo he re tshwanetse ra bo re lebogela ditlhhabano le diteko, mme ke Modimo a re naya tšhono ya go nna le diphenyo. Ijoo! A moo ga go go dire o nne botokanyana gannye jaanong? Lo a bona? Tlhabano e ne ya tla mo tseleng; mongwe a bua sengwe se se maswe ka ga wena; bolwetse bo ne jwa tla mo go wena. Gongwe Modimo o go neile dipogisego tseo tse di motlhofo, gore A tle a go fodise mme a go supegetse thekegelo ya Gagwe, a go lettle o bone se A se rayang ka gone, O a go rata.

³⁷ Polelo ya kgale ya modisa e e neng ya bolelwa koo ko Jerusalema, ko mafatsheng a a boitshepo, ya modisa, o ne a rwetse nk—nku. Mme o ne a re, “O e rwaletse eng?”

Ne a re, “E na le leoto le le robegileng.”

Ne a re, “E ne ya dira seo jang; e ole ka kwa ga mhapha wa thaba?”

Ne a re, “Nnyaya. Ke ne ka roba leoto la yone.”

³⁸ O ne a re, “Goreng, wena o modisa yo o setlhogo, go roba leoto leo la dinku.”

³⁹ Ne a re, “Nnyaya. Ke ne ke e rata.” Mme ne a re, “E ne e fapoga, mme ke ne ke sa kgone go e dira gore e ntseye tsia. Jalo he, ke ne ka roba leoto la yone, gore ke kgone go e naya tlhokomelo go feta, gore fong e tle e nthate le go ntatela.”

⁴⁰ Nako nngwe, Modimo o tshwanetse a re lettlelele re tshabelelwé ke bokoa, ga nnyennyane fela, mo botsogong, go re naya tlhokomelonyana e nngwe go feta, go re baya mo diropeng tsa Gagwe, go re ratela mo sehubeng sa Gagwe. Fa ngaka a ne a bua gore ga go sepe se se ka dirwang; fong O re baya mo sehubeng sa Gagwe, a re, “O a bona, ke a go rata. Ke ile go go lettlelala o fole.” Lo a bona? Ao, a moo ga go dire fela botshelo bo nne botokanyana? Ao, Ene o mogolo thata! Ene ke Modisa yo o gakgamatsang. A Ene ga a jalo?

⁴¹ Ga e kgane Dafita a ne a re, “Morena ke modisa wa me. Ga ke tle go tlhoka.” Le ka fa A re eteletlang pele ka fa letlhakoreng la metsi a a didimetseng; mme a tsosolosa mowa wa bona wa botho; mme a dira gore dinwelo tsa rona di penologe; ebile—ebile a re tlotsa mo pele ga mmaba! A o kile wa ba wa tlodiwa mo pele ga mmaba wa gago? Fela go paka go fitlhela senwelo sa gago sone fela se bedile gore se tshologe, lo a itse. Fela ka foo go gakgamatsang ka gone go tlodiwa mo pele ga mmaba wa gago!

⁴² Jaanong lemogang, fong, Modimo ne a tsaya Kgosi Nebukatenesare mme a mo dira sedirisiwa mo seatleng sa Gagwe. Mme erile Kgosi Nebukatenesare a ne a swa, morago

ga a sena go nna le...Bojang bo ne jwa tlhoga; moriri wa gagwe, jaaka tau, kgotsa jaaka diphuka tsa dintsu; le dinala tsa gagwe tsa menwana jaaka dinala tsa ntsu, le jalo jalo. Mme Modimo o ne a tshwanela go mo itsise gore ke Mang yo e neng e le Kgosi tota.

⁴³ Morago ga loso la gagwe, Beleshasare, setlogolo sa gagwe, se ne sa mo tlhatlhama. Mme, fong, o ne a le bosula go feta go na le Kgosi Nebukatenesare. Mme bosigo bongwe, koo, ba ne ba nna le moletlo o mogolo tota. Ba ne ba biletsha ba bone—bo mmakaseterata bottlhe ba bone le maotlana otlhe, ka ntlha ya moletlo o mo tona tona. Mme ya re ba santse ba na le moletlo ona, mme ba ne ba...ba ya, mme ba bitsa, ba bo ba tsaya dijana, dijana tse di boitshepo tsa Modimo; fela go sotla ka Modimo, le go nwela medimo ya bone moweine, e le tumediso, go tswa mo dijaneng tsa Morena.

⁴⁴ Jaanong, motho o letteleletswe go sepela bokgakaleng jo bo kana, fela go na le mola o o kgaoganyang magareng ga Botshelo le loso. Ga o a tshwanela go kgabaganya oo. Lo a bona? O ka tswelela ka boeleele jwa gago jo bonnye ka sebaka, fela go botoka o itse kwa mola o leng gone. A Morena o kile a go tlhatlhoba ka sengwe? O a dira, bottlhe ba rona, a goge ditomo, a re “Moo go kgakala mo go lekaneng jaanong.” Fong go botoka o tlhokomele se o se dirang, go tloga nakong eo go tswelela, fa o gatakela go kgabaganya mola oo.

⁴⁵ Mme bosigong joo, erile Modimo a ne a goga ditomo mo go ene, mme o ne a sa rate go reetsa. O a tswelela a fologe mme a tlise dijana tsa Morena, a simolole go nwa moweine, le go direla modimo wa bone tumediso ya tlotlo. Fong go ne ga tla seatla go tswa Legodimong, mme sa kwala mo lomoteng, “MENE, MENE, TEKEL, UPHARSIN.” Go raya gore, “Wena o lekantswe mo selekanyetsong, mme wa fitlhelwa o tlhaela.” Ga go ope yo o neng a ka go phutholola. E ne e le diteme tse di sa itsiweng.

⁴⁶ Mme go ne go na le monna foo, yo neng a na le neo ya phuthololo, Daniele, jalo he o a fologa a bo a phutholola mme a bolelela kgosi se se neng se tlaa diragala. Mme, foo, Modimo ne a senya setshaba seo, Babilone.

⁴⁷ Fa, Daniele, a ne a le koo, o ne a bona diponatshegelo tse dikgolo, mme a kwala ka ga tsone, ka ntlha ya kgomotsi e kgolo ena e re nang nayo gompieno, a neng a itse, ebile a rulanganya mo tolamong, bokhutlo jwa bogosi jwa Baditshaba.

⁴⁸ Lemogang ka foo go itekanetseng ka teng. Go tlhaloganyeng fela ka tlhoafalo jaanong. O ne a bona, pele, setshwantsho se eme mo nageng, fa a ne a phutholola toro ya kgosi.

⁴⁹ O ne a le motho wa semowa. O ne a lora ditoro, a bona diponatshegelo, a phutholola ditoro. Modimo o ne a na le ene, mme mongwe le mongwe o ne a itse seo, le ene.

⁵⁰ Mme erile a bona ponatshegelo, tlhogo ya gouta, le sehuba fano sa selefera, le dirope tsa kgotlho, le maoto a tshipi, lemogang, bogosi bongwe le bongwe bo ne jwa nna boketenyana go feta. Bogosi jwa ga Kgosi Nebukatenesare e ne e le tlhogo ya gouta. O ne a se phutholola, a mmolelela fela totatota ka fa magosi ao a tlaa tlhatlhamanang ka gone go fitlhela kwa bokhutlong. Fong lemogang, go tloga mo gouteng, ke e e boleta go feta thata, selefera ke e e latelang, go tloga kgotlho e nne e e latelang, go tloga tshipi e nne e e latelang; bothata go feta, bothata go feta, tsididi go feta, kgakala kwa pejana!

⁵¹ Lemogang, fong, mo gare ga tsotlhе tseo, Daniele o ne a leba setshwantshо go fitlhela Lentswē le kabotswe mo thabeng, le le neng le sa kabolwa ka diatla. Le ne la kgokologela ka mo setshwantshong la bo le se thuba, mme la se dira jaaka korong mo seboaneng sa selemo, mme diphefo tsa se pheulela kgakala. “Mme Lentswē le ne la gola go nna thaba e kgolo e e neng e khurumeditse lefatshe lotlhe le lewatle.” Moo e ne e le go Tla ga Morena Jesu, mo go leng gaufi jaanong.

⁵² O a tswelela. Fa a ne a le golo kwa nokeng, letsatsi lengwe, o ne a wela mo tsitegong ya pelo mme a bona ponatshegelo. Ba le bantsi ba bao ba ne ba na nae, ga ba a ka ba bona ponatshegelo, gonne e ne ya newa fela Daniele. Lo a go bona?

⁵³ Mongwe a ka ema gone go bapa le wena, mme a bone dilo tse o sa kgoneng go di bona, go boloka botshelo jwa gago. Go ntse jalo. Mongwe o ne a re, “Ga ke dumele seo. Ga ke ise ke bone sepe.” Ka gore e ne e se ga gago go go bona.

⁵⁴ Bao ba ba neng ba tsamaya le Paulo, nako e Paulo a neng a digwa mo pitseng ya gagwe mme a tshwanela go wela mo leroleng; le loraga go feta, jaaka go ne go ntse, mo leroleng; ga go ope wa bone yo neng a utlwa lentswe leo kgotsa a bona ponatshegelo ele. Paulo o ne a E bona.

⁵⁵ Ga go ope wa bone yo neng a bona naledi e e neng ya kgabaganya la... laborathari nngwe le nngwe, fa e se banna ba ba botlhale.

⁵⁶ Dilo di le dintsi, ka tsela eo, Modimo o neetse batho bangwe maemo a go di bona, mme ba bangwe ga ba kgone go bona. Ao, ke rata seo! Fa Modimo, mo botlhaleleng jwa Gagwe jo bo senang bolekango, a tlhomamiseditse pele, kgotsa a laoletse pele, dilo dingwe tse di tshwanetseng go diragala, go ka nna ga diragalela motho yo o dutseng gone gaufi le wena, mme wena ga o tle go itse sepe ka gone.

⁵⁷ Lebang Dothane, nako e Elia a neng a le golo ko Dothane mme ba ne ba dikaganyeditswe gotlhelele foo ke—ke baeng ba ba ne ba tsene, sesole sa Basiria; ba senka Elia, moporofeti. Gonnie erile, ba simolola go itse, nako nngwe le nngwe e Basiria ba neng ba tle ba tle golo ko Israaeleng, go dira ntwa, goreng, Baiseraele ba ne ba tle ba bo ba ba laletse.

⁵⁸ Mme jalo he kgosi ya Siria o ne a ba biletsha kong, a re, “Jaanong, emang motsotso. Ke mang yo o re emang nokeng, mme ke mang yo o emang Iseraele nokeng?” Ne a re, “Mongwe mo setlhopheng sa me ke setlhodi, yo o yang go bolelela Iseraele fela kwa re tsenang gone, gonne bone ba tlhola ba le koo ba re letetse.”

⁵⁹ Mme monna a le mongwe o ne a na le bosemowanyana mo go ena. O ne a re, “Nnyaya, rrê. Fela ke moporofeti Elia, gonne o a itse, mo kamoreng ya gagwe ya go robala, se o ileng go se dira mo go latelang go dira kgato ya gago.” Amen.

⁶⁰ Ao, fa dithata tsa athomiki di simolola go tshikinyega, ke itumetse thata gore Lefoko la Modimo le re boleletse kwa re tshwanetseng go ya gone. Tshabelang ko Lefikeng, Keresete Jesu! Motho mongwe le mongwe mo go Lone o bolokegile eibile o sireletsegile. Ga go sepe se se ka go gobatsang. Ga go dibomo dipe tsa athomiki, ga go dikhobalte dipe, ga go sepe se sele, se se ka kgomang babolokwa ba Modimo; ba pholositswe, ba sireletsegile, ba itssetsepsetse. A tsholofelo e e gakgamatsang e re nang nayo mo go Keresete Jesu!

⁶¹ Lemogang, go ne go na le monna nae. Motlhanka wa gagwe, mosimane wa semowa, ne a tsamaya mme a tshela metsi mo diatleng tsa moporofeti, maemo a matona a a neng a na nao. Fela erile a ne a bona se—sesole sa Basiria se dikologile gotlhe go dikologa Dothane, se ne se ba dira gore botlhe ba katakate, o ne a re, “Ntate, leba golo koo! A palo e kgolo! Gobaneng, rona re dikaganyeditswe!”

⁶² Jaanong, moo ke ga tlholego, fa sengwe le sengwe se lebega se diragala ka phosego; ba go supa monwana wa bone, ba bua *sena le sele*; mme ngaka a re ga o kake wa fola, le jalo jalo. Moo ke fela selo sa tlholego, gore wena o akanye, “Ijoo, mona ke bokhutlo!”

⁶³ Fela Elia ne a re, “Go na le ba le bantsi le rona go na le ba ba nang le bona.”

⁶⁴ Jaanong o ka tshema ka foo moporofeta yole, kgotsa Gehasi yole a neng a ikutlwa, motlhanka. O ne a mo leba ka kwa. O ne a re, “Goreng, ga ke bone ope.”

O ne a re, “Modimo, bula matlho a mosimane yona.”

⁶⁵ Mme ka bonako fa Modimo a sena go dira sengwe! Gone ke mona. Lo a go tlhaloganya. Nako e Modimo a neng a butse pono ya gagwe ya semowa; gothle go dikologa foo, moporofeti, go ne go eme dikaraki tsa Molelo le Baengele ba Molelo. Goreng, o ne a bona . . . Goreng, dikaraki tsa Molelo di ne di feta sesole seo sa Basiria, ka dikete. Dithaba di ne di tuka Molelo; Baengele ba Molelo, dipitse tsa Molelo, dikaraki tsa Molelo.

⁶⁶ Mme Baebele ne ya re, “Baengele ba Modimo ba thibelela go dikologa bao ba ba Mmoifang.”

⁶⁷ Go tshwana fela bosigong jono! Ke a ipotsa go tlaa diragala eng fa motho fano, bosigong jono, a ne a na le thata ya go itaya go kgabaganya matlho a gago, mme a re, “Leba, mo go emeng go dikologa motlaagana ona bosigong jono!” O tlaa nna leloko fano botshelo jotlhe jo bo setseng jwa gago. Go tlhomame. Ee, rra.

⁶⁸ Dinako dingwe o ka se kgone go Go bona ka matlho a gago a senama, fela o ka kgona go utlwa kubo ya Gone, Sengwe gaufi. Kutlo ya borataro e e tlhalosang Sengwe se se leng gaufi.

⁶⁹ Mo eleng tlhoko, mosong ono, a bula ditsebe tse di susu, a dira gore digole tsa pholio di tsamaye tikologong fano, jaaka go ne go sena sepe se se phoso ka bone. Gone ke eng? Ke kutlo e e ka fa teng. Ke raya, kutlo, kutlo ya borataro e e lemogang, mowa, gore Sengwe se gaufi. Nna le tumelo mo Modimong!

⁷⁰ Jaanong, ga ba a ka ba, ga a ka a bona Seo, pele. Fela, Elia kooteng o ne a sa Go bone, fela o ne a kopa matlho a mosimane go Go bona. Fela Elisha o ne a lemoga gore Ba ne ba le teng. Amen.

Thomase, nako nngwe, ne a re, “Mpe ke beye diatla tsa me mo letlhakoreng la Gagwe.”

⁷¹ Jesu ne a re, “Jaanong o a bona mme o a dumela. Tuelo ya bone e kgolo go feta ga kae ba ba iseng ba bone ka nako eo, mme etswa ba dumela.” Ke rona bosigong jono, mo go le fa e le mang yo o tlaa dumelang, ntleng ga go bona.

⁷² Mme lemogang. Fong Elia o ne a tsamaela golo koo kwa seemo sena se neng se le gone, mme o ne a ba raya a re . . . Santlha, o ne a ya golo koo, mme Baebele ne ya re, “O ne a ba foufatsa.” Ba foufale; mme a tsamaela gone ko ntle ko go bone. Mongwe le mongwe o ne a na le pono e e itekanetseng, go ya ka fa ke itseng ka gone. Fela Lekwalo le ne la re, “Ba ne ba foufetse.”

⁷³ Mogoma yo monnye, masigo a le mmalwa a a fetileng, ne a nthaya a re, “Fa o le monna wa Modimo, mphoufatse.”

Ke ne ka re, “O setse o foufetse.” Lo a bona? Lo a bona? O setse o foufetse!

⁷⁴ Lemogang. Mme o ne a tsamaela golo koo, kwa seemo se segolo sena se neng se le gone, selo se segolo sena se neng se le gone. Mme o ne a re, “A lo senka Elia?”

Ne ba re, “Ee.”

⁷⁵ Ne a re, “Tlayang, lo ntateleng. Ke tlaa lo isa gone kwa go ene.” Elia o ne a go ba bolelela. Ba ne ba foufetse ka ga eng? Ba ne ba foufaletse ntlaa ya nnete ya gore yoo e ne e le moporofeti wa Modimo. Ba ne ba foufetse ka ga gone. Mme o ne a ba etelela pele gone ka tlhamallo golo ka mo talelong, gape. Ne a re, “Tlayang, ke tlaa lo supegetsa Elia,” mme e ne e le Elia a neng a ba isa golo koo.

⁷⁶ Mme erile ba leba mo tikologong, mme ba fitlhela gore ba ne ba dikologilwe, mo tikologong. Kgosi ne ya re, “Rrê, a ke tshwanetse ke ba iteyeye?”

⁷⁷ O ne a re, “A o tlaa tsaya mogolegwi gore o mo iteye?” Ne a re, “Ba neele sengwe go se ja, mme o ba romele morago kwa lefatsheng la bona.”

⁷⁸ Eo ke tsela ya go rarabolola dintwa. A moo ga go jalo? Go tlhomame. Ijoo! Fa fela re ka itseela thaego eo, gompieno, go jesa mmaba wa gago. “Dira molemo mo go bao ba ba go dirang bosula.” Amen.

⁷⁹ Foo, jaanong, bofofu.

⁸⁰ Jaanong, Elia, kgotsa ke raya, eseng Elia jaanong, fela Daniele: Daniele o ne a bonela pele; o ne a le moporofeti; o ne a bona go tla ga Morena; o ne a bona nako ya bokhutlo e tla; o ne a bona Baditšhaba ba simolola.

⁸¹ Mme fa lo lemoga, Baditšhaba ba ne ba simolola ka ko—kobamelo ya medimo ya diseto. Ba ne ba obamela modimo wa seseto yo mogolo yo neng a ntse ko ntle mo nageng, modimo wa seseto sa motho: Ke a dumela, Daniele, ka boene. Ka gore, Kgosi Nebukatenesare o ne a mmiditse “Beletešatsare,” yo e neng e le modimo wa gagwe, mme o ne a simolola go obamela setshwantsho sa monna wa mosiami, yo o boitshepo. Mme Daniele o ne a gana go go dira; le bana ba Bahebere ba ne ba dira jalo, Shaderaka, Meshaka, le Abedeneko.

⁸² Eo ke tsela e go neng ga simololwa ka yone. Mme go ne ga kgalwa; tlhogo eo ya gouta e ne ya simolodiswa ka kobamelo ya setshwantsho, ba patelelwa mo go gone, mme ga felelela ka Seatla sa bofetatlholego se kwala puo ya bofetatlholego, e fela kutlwisiso ya bofetatlholego e neng e kgona go e tlhaloganya. Amen.

⁸³ Eo ke tsela e bogosi jwa Baditšhaba bo neng jwa simolodiswa, mme bo tlaa tswa ka tsela e e tshwanang, go ntse jalo, ka ditiro tsa bofetatlholego, phuthololo ya bofetatlholego. Lo itse se ke buang ka ga sone. Go bereka ga bofetatlholego, ao, ka fa go gakgamatsang ka gone! A ga lo a itumela, bosigong jono, lo dumela mo bofetatlholegong? Ee.

⁸⁴ Jaanong, fong, morago ga diponatshegelo tsena, O ne a mmontsha fela kwa ditšhaba di tlaa bong di eme gone. O ne a mmontsha gore go ne go na le dingwaga di le dintsi thata tse di neng di ikaega ka nako e mo Bajuteng. O ne a re, “Mesia o tlaa tla. O tlaa porofeta mo dibekeng di le masome a supa, tse e leng dingwaga di le tharo le halofo. Mo gare ga yone, O tlaa kgaolwa, mo e leng dingwaga tse supa. Dibeke di le masome a supa di laoletswe bagaeno; dingwaga di le supa tsa seporofeto ko Bajuteng.” O ne a re, “Mme Mesia, Kgosana, o tlaa tla mme a porofete, mo gare ga dibeke tse supa, malatsi a supa, O tlaa kgaolwa. Mo go se se ferosang dibete, se se swafatsang, go tlaa ema mo lefelong la Gone. Mme ba tlaa gatakela faatshe dipota tsa Jerusalema, Baditšhaba, ka nako, nako, le seripa sa nako.”

⁸⁵ Jaanong, erile Mesia a tla, Jesu, O ne a rera totatota dingwaga di le tharo le halofo, mme a kgaolwa, go nna Setlhabelo. Maikarabelo a letsatsi le letsatsi a ne a tlosiwa. Mme se se swafatsang, se se ferosang dibete se se swafatsang, moseleme wa Omar, o ne o eme gompieno mo lefelong la tempele e e boitshepo. Mosque wa Omar o eme totatota fa tempele e neng e eme gone.

⁸⁶ Mme o ne a re, gore, “Ba tlaa gataka dipota tsa Jerusalema, mo godimo ga Jerusalema, go fitlhela tebalebelo ya Baditshaba e tlaa wediwa. Fela, kwa bokhutlong jwa Baditshaba, go tlaa bo go santse go na le dingwaga di le tharo le halofo, ka nako eo, tsa ko Bajuteng.”

⁸⁷ Jaanong lemogang nngwe ya dilo tse di lemosegang bogolo tsa ditso tsa seporofeti.

⁸⁸ Ga ke ipolele gore ke itse seporofeto sa Baebele. Fela mona go jaaka go bala koranta; go tlhaloganyega motlhofo go feta. Mme, se re se balang Fano, re a itse ke Boammaaruri.

⁸⁹ Lemogang, dikete tse pedi, eya, dingwaga di le makgolo a le mabedi le botlhano, Bajuta ba ntse ba phatlalleditswe ko setshabeng sengwe le sengwe fa tlase ga Legodimo. Jaaka Modimo a ne a thatafatsa pelo ya ga Faro, a ba busetsa morago; O ne a thatafatsa pelo ya ga Hitler, pelo ya ga Mussolini, le jalo jalo, go fitlhela A ba kgoromeeditse morago ko Palestina. Ba boa, ba ba dirile setshaba gape. Mme ka Motsheganong ka la borataro, 1947, folaga ya Majuta e ne ya tlhatlosiwa mo godimo ga Iseraele, lekgetlo la ntlha ka dingwaga di le makgolo a le masome a mabedi le botlhano. Folaga e kgologolo go feta thata mo lefatsheng e ne ya tlhatlosiwa lekgetlo la ntlha mo dingwageng di le makgolo a le masome a mabedi le botlhano. Mme O ne a re, mo metlheng ya bofelo, “O tlaa emeletsa sesupo mo godimo ga Jerusalema,” a supegetsa gore nako e gaufi.

⁹⁰ Mme lemogang, fano e se bogologolo, ke ne ka bona filimi ka seporofeto e tshamekwa go tswa golo koo. Mme ba tliisa Bajuta bao mo teng, ka dikete, ka difofane. Lo go bone mo pampiring, le jalo jalo. Dimakasine tsa *Look* le *Life* di nnile tsa go kwala. Dikete tsa Majuta di boa! Mme ba ne ba ba botsa, ne ba re, “Lo boela eng?” Batho ba ba godileng, ba ba golafetseng, ba ba belege mo mekwatleng ya bone, banana ba bone ba ne ba dira jalo. Ne a re, “A lo boela kwa lefatsheng la gaeno gore le swe?”

Ne ba re, “Nnyaya. Re boela go bona Mesia.”

⁹¹ Jesu ne a re, “Fa lo bona setlhare sa mofeige se ntsha matlhogela a sone, le ditlhare tsotlhе tse dingwe di ntsha matlhogela a tsone, lo itse gore nako e gaufi, kgotsa dikgakologo di gaufi, selemo. Jalo he, fa lo bona dilo tsena di diragala, tsholetsang ditlhogo tsa lona, thekololo ya lona e a atamela.”

⁹² Bosigong jono, jaaka lefatshe lena le farafarilweng ke bokomonisi! Ao, ke ne ke bua le monna lobakanyana le fetileng, ka ga...mongwe wa ba ba molemo bogolo wa

baitseanape, ke a dumela, yo ke itseng ka ga ena. Mme fa a ne a bua dilo ka ga setšhaba sena, le bokomonisi, go ne go tlaa go tshikinya gore o khubame, ke gone, ka fa go farafarilweng ka gone. Ga go sa thole go na le sepe se se nitameng, le e leng mo lefatsheng le e leng la rona, ka boutsana.

⁹³ Go na le selo se le sengwe se se nitameng se ke itseng gore se tlaa ema, seo ke Lefika, Jesu Keresete. Re amogela bogosi jo bo ka se kgoneng go tlosiwa. Mme mo motheng ona fa sengwe le sengwe se sele se wa, re na le motheo o o kwenneng, Morena Jesu Keresete. Tlayang ka mo go Gone, ditsala. Ke botshabelo ka nako ya letsbutsubu. A selo se se gakgamatsang!

O ne a bone gotlhe mona go diragala.

⁹⁴ Re bona Bajuta jaanong. Baebele ne ya bua gore Jerusalema, mme e tlaa thunya jaaka rosa. Le ka fa ba neng ba nosetsa lefatshes leo ka gone! Mme bone gape... Moporofeti o ne a bua, a bo a re, “Letsatsi leo,” gore, “metsi a tlaa tswa kwa bokone.” Go ne go sena metsi koo ka nako eo, go sena metswedi foo ka nako eo. Fela mo dingwageng tsa bofelo di le mmalwa, go na le maphothoselo a a tlhageletseng, mme a nosetsa mekgatšha. Mme one a a nosetsa; ke lengwe la mafelo a mantle thata a temothuo, a bogolo jwa lone, mo lefatsheng.

⁹⁵ Mme dikhemikhale tsotlhе tsena tse ditona gone mo Dead Sea. Go na le dikhemikhale tse di lekaneng tse di fitlhetsweng ko botlaseng jwa lone, tse khumo yotlhе ya lefatshes e ka se kgoneng go di reka; dikhemikhale, uraniamo le sengwe le sengwe se sele, gone ko tlase ga Dead Sea, le jaanong e leng la Israele.

⁹⁶ “Setlhare sa mofeige se tlhoga matlhogela a sone.” E seng seo fela, fela dithhare tse dingwe di tlhoga matlhogela a tsone. Makomonisi a a tlhoga matlhogela. Moganetsa-Keresete o tlhoga matlhogela.

⁹⁷ Mme Kereke ya Modimo e tlhoga matlhogela. Yone thunyetsa ka mo thateng ya Yone gape. Mogokong o jele bontlhabongwe jwa yone, boijane bo jele bontlhabongwe jwa yone, seboko sa huku se jele bontlhabongwe jwa yone, seboko se jele bontlhabongwe jwa yone, fela Modimo ne a re, “E tlaa tshela gape.” E tlhoga matlhogela jaanong.

⁹⁸ Dithhare di tlhoga matlhogela. Daniele o ne a go bonela pele, a bo a itumela. Jaanong, ka nako ena, o ne a re, “Mme ka nako eo...” Kgaolo ya bo 12.

Mme ka nako eo Mikaele o tla ema, kgosana e kgolo e e metseng bana ba bagaeno: mme go tla nna le nako ya bothata, e e iseng e nne jalo... esale go nna le setšhaba le e leng go fitlheleng ko go eo... nako: mme ka nako eo bagaeno ba tla gololwa, mongwe le mongwe yo o tla fitlhelwang a kwadilwe ka mo bukeng.

⁹⁹ Ijoo! A ga lo a itumela leina la lona le mo Bukeng ya Gagwe? Erile ena, Daniele, ka kwano, a Mmona, “A tla ko Mogologolong wa malatsi, yo moriri wa Gagwe o neng o le mosweu jaaka boboa. Mme O ne a bula Dibuka. Mme ba ne ba atlholwa, motho mongwe le mongwe, go tswa mo Dibukeng,” Katlholo e kgolo ya Terone e Tshweu.

¹⁰⁰ Jaanong, Daniele o Neilwe tlhomamiso ena kwa bokhutlong jwa tebalebelo ya Baditshaba. Bala kga...fa o ya gae, mme ka moso, bala kgaolo ya bo 11. O kgona go bona ka fa kgosi ya bokone e fologang ka gone, se e seng sepe se sele fa e se Rašia, e fologa go gatelela kgatlhanong le sone, jaaka setsuatsue. Mme Tlhabano e kgolo ya Haremagetone e tlaa lowa gone foo gaufi le dikgoro tsa Jerusalema. Lemogang. Ao, ke rata sena!

...mme ka nako eo bagaeno ba tlaa gololwa, mongwe
le mongwe yo o fitlhetsweng a kwadilwe mo bukeng,
buka ya Kwana ya botshelo.

¹⁰¹ “Mikaele, kgosana e kgolo, o tlaa emela” (eng?) “batho ba gago.” Go siame.

*Mme ba le bantsi ba bone ba ba robetseng mo loroleng
lwa lefatshe ba tla tsoga (leng?) fa dinako tsena di
diragala, mme bangwe ko botshelong jo bosakhutleng, le
bangwe ko ditlhonngeng le lenyatsong le le sa khutleng.*

¹⁰² Fela jaaka go tlhomame gore go na le Botshelo jo bosakhutleng, go na le go tsamaya ga bosakhutleng. Go ikaega ka foo o tsholang Jesu Keresete ka teng mo botshelong jwa gago. Fa o Mo rata, mme o tsetswe sesa, mme o na le Mowa wa Gagwe, o na le Botshelo jo bosakhutleng. Fa o sa dire, ga o na Botshelo jo bosakhutleng. Fa leina la gago le kwadilwe mo Bukeng ya Kwana ya Botshelo, o na le Botshelo jo bo sa sweng. Fa le sa kwadiwa Foo, ga o tle go lemogiwa.

¹⁰³ Gone ke eng? Diporofeto tseo di diragaditswe; sengwe le sengwe, gone go fologela mo nakong ena.

¹⁰⁴ Tlhogo ya gouta e fetile, jaaka Daniele a buile gore e tlaa dira, bogosi jwa Babilone.

¹⁰⁵ Go latela moo, o ne a re, e tlaa bo e le Bamede le Baperese. Ba ne ba tlhatlhama bogosi jwa Babilone.

¹⁰⁶ Mme ba ne ba fenngwa, ke (bomang?) Bagerike, Aleksandere yo Mogolo.

¹⁰⁷ Mme ba ne ba fenngwa, ke (eng?) Baroma. Mme Baroma ba ne ba phatlallela, ko lefatsheng lotlhe, Roma ya kwa botlhaba le ya kwa bophirima, maoto a le mabedi.

¹⁰⁸ Mme o ne a re tshipi le letsopa di ne di le mo menwaneng, menwana e lesome, dipuso di le lesome, mme o ne a re ga di tle go tswakana, mme di tlaa nyalana mo gare ga bobona, Boroma le Boprotestante.

¹⁰⁹ “Mme mo motlheng oo,” fa selo sena se nna teng, “fong Lentswé le le neng la kabolwa mo thabeng, go se ka diatla, mme la fidikologela mo teng la bo le thuba selo se se nne ditokitoki.” Mme Le ne la tsaya lefelo la setshwantsho.

¹¹⁰ Jalo he, bakaulengwe ba me, re na le mathata, bosigong jono. “Dintwa, menahune ya dintwa; dithoromo tsa lefatshe mo mafelong a a mefutafuta; go akabala ga nako, tlalelo fa gare ga ditshaba.” Ke fetsa go boa kwa moseja wa mawatle, mme ga ke ise ke bone setshaba fa e se se se roromang mo ditlhakong tsa bone. Ga ba itse se se ileng go latela se diragala.

¹¹¹ Fela a rona ga re leboge, bosigong jono, gore re itse se se ileng go diragala mo go latelang! Morena Jesu Keresete o tlaa tla lekgetlo la bobedi, ka kgalalelo le tlottlomalo! Mme monna kgotsa mosadi mongwe le mongwe yo o fitlhelwang a kwadilwe mo Bukeng ya Botshelo ya ga Kwana, o tla tsoga le ba ba ratiwang ba bona, go kgatlhantsha Morena mo loaping. Ao, a selo se se gakgamatsang! Leo ke lebaka re reng:

Tsholofelo ya rona ga e a agiwa mo go sepe se
se tlhaelang
Go na le Madi a ga Jesu ka tshiamo;
Gotlhe go dikologa mowa wa me wa botho go
a ineela,
Ena ke tsholofelo yotlhe ya rona le
seitsetsepelo.

¹¹² “Mme ka nako eo, Mikaele o tla ema, kgosana e kgolo.” Mikaele e ne e le Keresete, jaaka go sololetswe, Yo neng a lwana dintwa tsa Baengele ko Legodimong, le diabolo. Satane le Mikaele ba ne ba lwantshana, kgotsa ba lwana mongwe kgatlhanong le yo mongwe, ke raya moo.

¹¹³ Mme, jaanong, “Mme ka nako eo,” o ne a re, “ba le bantsi jaaka ba ba neng ba bonwa ba kwadilwe mo Bukeng ba ne ba gololwa. Mme bao ba ba dirileng tshiamo...” Elang sena tlhoko.

*Mme bao ba—le bao ba ba botlhale ba tla phatsima
jaaka phatsimo ya legodimo; le jaaka ba... mme bao ba
ba sokollelang ba le bantsi ko tshiamong jaaka dinaledi
ka metlha...*

¹¹⁴ Ke leba seo, nako nngwe, mme ke akanye, bakaulengwe. Ke a tswa, mo mosong. Ke rata go tsoga go sa le nako. A ga lo rate go tsoga pele ga nako?

¹¹⁵ Ke gakologelwa fa bakaulengwe le nna re ne re le ko dithabeng. Go sale nako tota mo mosong, go ka nna nako ya bonê, re ne re tle re tsoge. Re lebelele, e kaletse ko morago koo, mme foo go ne go le naledi ya moso. Go nna mo go lefifi tota fela pele ga tlhabo ya letsatsi.

¹¹⁶ Re bona lefifi le kokoana jaanong. Gone ke eng? Ke Lesedi le gatelela kgatlhanong le lefifi. Go le gongwe go tshwanetse go ineele.

¹¹⁷ Dilo tsotlhe tse di gagabang tse di ntseng di dira go ralala bosigo, fa letsatsi leo le tlhatloga, di tabogela ko go iphitlheng fa lesedi le phatsima. Bosigo le lesedi ga di kake tsa nna teng mo kagong e e tshwanang. Gone go lefifi kgotsa go lesedi. Mme lesedi le maatla thata go feta lefifi.

¹¹⁸ Keresete o maatla thata ga kalo go feta baaba botlhe ba lefatshe.

¹¹⁹ Jaanong, re rutilwe ke boramaranyane; jaaka lesedi le simolola go tla, le sobokanya lefifi. Mme lefifi le kokoantsha lesomo lotlhe la lone ga mmogo, go lwa kgatlhanong le lesedi, fela lesedi le a fenza le bo le tswelela.

¹²⁰ Mme Baebele ne ya re, mo metlheng ya bofelo, gore, "Satane o tlaa tsamaya tsamaya jaaka tau e e rorang." Ena o a kokoantsha, gompieno, baba botlhe ba gagwe, ditsala tsa gagwe tsotlhe, baba ba rona, mme a ba kokoanye ga mmogo; di kokoana fa tlase ga tlhogo e tona, letshwao la sebatana, mo magatong a tsa bodumedi, bokopanong jwa dikereke. Gotlhe go kopana le go itira lekgotla le legolo, go tshwana le Bokhatholiki.

¹²¹ Mme dipuso tse dikgolo tsa lefatshe di ikopanya ga mmogo, ebile di bopa tlhogo e tona ka koo, mo magatong a sepolotiki, go bidiwa bokomonisi.

¹²² Mme Lesedi la Modimo le gagamalela pele. Se se diragalang ka nako e e tshwanang, go le dira: kereke ya Bokeresete, Kereke ya Modimo yo o tshelang, e a tlodiwa; thata e tla mo go Ena, Ena o amogela Mowa o o Boitshepo.

¹²³ Ngwaga o o fetileng, mo magatong a Efangedi e e tletseng, go ne go na le ditshokologo di le sedikadike le dikete di le makgolo a matlhano. Mo go golo go feta thata mo go neng ga anama lefatshe ka dingwaga morago ga dingwaga. Ga re sa tlholo re le mo tselaneng. Re golo mo tseleng e e sephara ya dihaleluya. Ga re sa tlholo, re le mo mokhukhung. Ditshokologo di le sedikadike le dikete di le makgolo a le matlhano mo magatong a Efangedi e e tletseng, ngwaga o o fetileng, go tlhatlhame Bokhatholike le sengwe le sengwe se sele. Ijoo!

¹²⁴ Gone ke eng? Lesedi le a kgobokana. Ditirelo tse di tona tsa phodiso di ile tsa anama lefatshe le le kgolokwe. Haleluya! Kgakala ko teng, golo ko Formosa, matsholo a phodiso a a tswelela. Kgakala golo ko Japana, matsholo a phodiso a a tswelela. Godimo kwa dikgaolong tse di gatsetseng tsa kwa bokone, matsholo a phodiso a a tswelela. Go dikologa lefatshe, matsholo a phodiso! Haleluya! Batho ba amogela Mowa o o Boitshepo, ba gongwe le gongwe. Re kwa nakong ya bokhutlo.

¹²⁵ Go dira eng? Fong diabolo a re, “Jaanong ke nako ya me.” O kokoanya sesole sa gagwe. Bokopano jwa dikereke bo leka go go emisa, bo re, “Ga se sepe fa e se segopa sa mabokoso a a modumo. Ga go sepe mo go bone. Gotlhe ke bogogotlo. Ga go na selo se se jaaka go dira mo Bofetatlholegong.”

¹²⁶ Mme ka nako e e tshwanang, tlhogo ya Amerika . . . lekgotla la tsa kalafi le kwala kgang mo pampiring, o ne a re, “Ga go motho yo o nang le tshwanelo ya go tla ka mo kamoreng ya balwetse, go direla batho, ba ba sa dumeleng mo Modimong Mothatiotlhe le go Mo amogela e le Mothusi wa gagwe.” *The Christian Herald*, e botsolotsa dingaka kgwedi e e fetileng, e ne ya ntsha dikgang tse di kwadilweng tse nna ke neng nka se kgone go di kwala, ka bona, fa ke ne ke leka go ikgantsha ka gone. Gone ke eng? Mo gare ga sengwe le sengwe, Modimo o tlaa baka gore baba ba Gagwe ba pakela kgalalelo ya Gagwe. Ee, rra. Ngaka ne ya re, “Re ka kgona fela go neela thuso, fela Modimo ke mofodisi.”

Ke ne ka re, “Banna ba bagolo bao ba batlisisa fela se rona segopa sa ditsenwa re se itsileng ka nako yothle.” Go jalo.

¹²⁷ Mangwe a malatsi ano a a galalelang, o tlaa fitlhela gore segopa sena sa Thata, se se fetolelang baakafadi ko bahumagading, le matagwa ko makaung le Bakereseteng, ke yone Thata e e tlaa ba ntshang mo lefatsheng lena mme e ba ise kwa Gae mo Phamolong, go ya Kgalalelong. Go ka nna ga bo go le thari thata; go ka nna ga bo go le thari thata mo go ba le bantsi.

¹²⁸ “Ka letsatsi leo, Mikaele o tla emela batho.” Ena ga a emele ditshaba. O emetse batho. “Mme ba le bantsi ba bao ba ba robetseng mo loroleng lwa lefatshe, bangwe ba tla tsogela ditlhonngeng le lenyatsong la ka metlha yothle. Fela bao ba ba botlhale mme ba sokollela ba le bantsi ko tshiamong, ba tla phatsima jaaka dinaledi ka metlha le metlha.” Haleluya!

Tante kgotsa mokgoro, goreng ke tshwanetse
go tshwenyega?

Ba nkagela ntlo ya bogosi ka Kwale! (Tlaya ka
koo go mpona letsatsi lengwe!)

¹²⁹ Gone ke eng? Ke ne ka tswela kong mme ka leba naledi e kgolo eo ya moso, jaaka e simolola go tsamaela kong. Ke eng se se naledi ya moso e se buang? Naledi ya moso e bonatsa fela lesedi le le maatla a magolo la letsatsi le le tlhang. A go ntse jalo? Naledi ya moso, lebaka le e phatsimang thata ga kalo (lo itse gore gobaneng go ntse jalo?), letsatsi le gaufi thata le yone. Lone le a gatelela. Mme naledi ya moso e kua go tla ga letsatsi.

¹³⁰ Go siame, lona dinaledi tsa moso, ke nako ya go Mo kua fa ena a tla! Phatsimang, Dinaledi tsa moso! Tsogang pele ga nako! E re, “Morwa o tlaa bo a le fano mo segautshwaneng!”

¹³¹ Fa re leba mme re bona naledi eo ya moso, jaaka e phatsima mo mawaping, go raya gore letsatsi le tlaa phatsima mo segautshwaneng thata.

¹³² Mme fa re bona Dinaledi tsa moso tsa Modimo, di tlhatloga eibile di phatsima ko kgalalelong ya tsogo ya ga Jesu Keresete, go supegetsa gore Ena yo o maatla a magolo yoo o gagamalela pele. Masedi a a kgobokana, dinaledi tsa masa di a goa, "Tshwarelela! Ga go go leele go fitlhela lesedi la motshegare." Tshwarelela! Ga go go leele go fitlhela tlhabo ya letsatsi. Tswelela fela o tshwareletse. Jaaka Kgaitadi Murphy le bone ba ne ba tlwaetse go opela, "Tswelela fela o tshwareletse; tlhabo ya letsatsi e a tla." Tshwarelela mo go yone! Dinaledi tsa moso di a phatsima ko lefatsheng jaanong, di sedifatsa lefatshe, fela pele ga lefifi le legolo, le tladi ya tlapana e tswa Legodimong, go Tla ga Morena.

Reetsang ka thloafalo jaanong. Jaanong o ne a re . . .

¹³³ Ke ne ka leba naledi ya moso, mme ke ne ka akanya, "Ao, naledi ya moso!" Ke ne ka leba fa tlase . . .

¹³⁴ Letsatsi lengwe, ke eme foo, Mokaulengwe Wood le nna. O ne a fetsa go gotsa molelo, mme re ne re ile go tsaya sefitlholo. Mme ke ne ka retologa mme ka leba naledi ya masa. Ke ne ka tswela kong ko sekgweng seo sa mosetare; mme diphefo di ne di seba seba go ralala diphaene. Ke ne ka ema foo. Ke ne ka ikutlwaa ke siame, ke hema phefo eo e e molemo, e e phepa ya moso; mme yone ka mohuta mongwe e gatsetse, go le serame se se ntsi. O fologele ko ngonting, go ga kgameloa ya metsi, o gatsele pele ga wena o fitlha ko godimo.

¹³⁵ Ke eme foo, ke tsholeletsa diatla tsa me, ko ntle koo ko diphaeneng tseo. Ke ne ka lebelela naledi ya moso. Ke ne ka akanya, "Ao, leba kwano, se dingwaga di le masome a manê le botlhano di se ntiretseng." Ke ne ka re, "Ao, leba fano. Nna ke a tsutsubana. Diatla tsa me di a tsutsubana; moriri wa me o a tsutsubana; meno a tsamaya. Ao, se dingwaga di le masome a manê le botlhano di se ntiretseng! Fela," ke ne ka re, "leba kwale, naledi eo ya moso e le ntle fela eibile e phatsima jaaka go ne go ntse letsatsi le Modimo a rileng, 'whew,' a neng a butswela mo diatleng tsa Gagwe, mme a re, 'A e phatsime!'"

¹³⁶ Fong ke ne ka akanya ka ga Lokwalo le. Ke ne ka re, "Fela Modimo o soloeditse, fa re ka nna botlhale mme ra sokollela ba le bantsi kwa tshiamong, re tlaa phatsima go gaisa dinaledi ka bosafeleng."

¹³⁷ Ke ne ka akanya, "Naledi ya moso, o a phatsima jaanong, fela leta go tsamaya re fitlha Koo! Aleluya! 'Re phatsime go gaisa dinaledi ka bosafeleng!'"

¹³⁸ Mme ke ne ke kgona go utlwa phefo eo e fologa thabana, go batlile fela go nna ka makuku a letsatsi, e foka go ralala diphaene tseo, e re:

Go na le Lefatshe ko moseja ga noka,
 Le re le bitsang botshe jwa ka metlha,
 Mme re fitlha fela ko letshitshing leo ka polelo
 ya tumelo;
 Ka monokela re tsena ka kgorwana,
 Go nna koo le ba ba sa sweng,
 Mogang ba letsang ditloloko tseo tsa gouta ka
 ntlha ya gago le nna.

¹³⁹ A selo se segolo! “Bao ba ba bang botlhale ba tla sokollela ba le bantsi ko tshiamong, mme ba tla phatsima go gaisa go feta dinaledi ka metlha le metlha.”

¹⁴⁰ Jalo he ke pharologanyo efeng e go e dirang, le fa go ntse jalo? Nakwana e nnye ena ya kgale fano ke eng? Lorolenyana lena la kgale la lefatshe, sebokonyana se se senang mokwatla, mmele o monnye wa kgale o o swang o o tshwanetseng go bola mme o boele ko leroleng, mme diboko tsa letlalo di tlaa o ja! Ijoo! Mpe ke tthatlogeng ka gothe mo go leng mo go nna, mme ke phatsimele kgalalelo ya Modimo! Ke beeble ka fa thoko bokete bongwe le bongwe, gore Mowa o o Boitshepo o kgone go tsamaisa dithata tsa Gagwe le kgalalelo, ka go rera ga Efangedi le phodiso ya balwetse, go rurifatsa gore Jesu Keresete o tsogile mo baswing. Ijoo!

...ka metlha le ka metlha.

Fela wena, ... Daniele, tswalela mafoko, mme o kanelele buka, go fitlhela ebile kwa nakong ya bokhutlo: gonne ba le bantsi ba tla tabogela kwa le kwa, mme kitso e tla oketsegan.

Fong nna Daniele ke ne ka leba mme ka bona, mme, bona, go ne go eme ba le babedi ba bangwe, a le mongwe ka fa letlhakoreng lena la letshitshi la noka, mme yo mongwe kwa go le lengwe ... letlhakoreng la letshitshi la noka.

Mme mongwe o ne a raya monna yo neng a apere letsela la leloba (Mowa o o Boitshepo), yo neng a le mo metsing (batho le matshutitshuti) ...

¹⁴¹ Mowa o o Boitshepo mo bathong! Ao! Haleluya! Mowa o o Boitshepo!

¹⁴² Tshenolo :15, :16, ya re bontsintsi le matshutitshuti ... metsi a raya “bontsintsi le matshutitshuti a batho.”

¹⁴³ “Mme Mongwe ke yona ka letsela la leloba le le sweu, a Ikebakebisetsa godimo le tlase, mo metsing, ka seatla sa Gagwe se tsholeleditswe kwa Legodimong, a ikana ka Ena yo o tshelang ka bosakhutleng le ka bosaeng kae, ‘Mogang dilo tsena di diragalang, nako ga e tle go tlhola e le gona!’” Haleluya!

¹⁴⁴ “Nako ga e tle go tlhola e le gona!” Ne a ikana gore, fa re ne re bona ditshaba tsena di thubega, le dilo di diragala jalo, “Masaitseweng a Modimo a setse a diragaditswe.”

¹⁴⁵ Gone ke eng, “Masaitseweng a Modimo”? “Modimo mo go wena, tsholofelo ya Kgalalelo,” a phatsimela pontsheng, kolobetsso ya Mowa o o Boitshepo!

¹⁴⁶ Fong O ne a re, “Mogang dilo tsena di diragalang, nako ga e tle go tlhola e le gona.”

¹⁴⁷ “Bao ba ba itseng Modimo wa bona,” ne ga bua Daniele. “Mo metlheng ya bofelo, ba le bantsi ba tla tabogela kwa le kwa, kitso e tla oketsegaa. Fela bao ba ba itseng Modimo wa bone ba tlaa dira ditiro tse di kgolo mo metlheng ya bofelo.”

¹⁴⁸ “Ba tla dira ditiro tse dikgolo.” Ao, ditiro tse dikgolo tsa tumelo di a bonala, go dikologa lefatshe, bosigong jono, go boeleta le go boeleta. Gotlhe mo ditshabeng, matsholo a matona! Difofu di a bona. Bosusu ba a utlwa. Ditlhotsi di a tsamaya. Batho ba metsamaa yotlhe ya botshelo ba a tsena. Ba amogela Mowa o o Boitshepo; eseng fela bahumanegi le ba ba dikobo di khutshwane thata, fela bahumi ba dinaledi le sengwe le sengwe se sele. Modimo o a tsaya kobo ya Gagwe ebile o e apesa mongwe le mongwe, mme o ba naya taletso go ya ko Selalelong sa Lenyalo.

¹⁴⁹ Mme Moperesiti yo Mogolo yo motona, Melegisetke, o tlaa tla letsatsi lengwe. Mme re tlaa ja selalelo, sesa, le Ena, mo Bogosing jwa Modimo, lengwe la malatsi ano a magolo, a a galalelang! Ao, nna ke itumetse thata, bosigong jono, go nna mo Bogosing jwa Gagwe! Ee, rra. Letsatsi lengwe le legolo, letsatsi lengwe le le gakgamatsang, “Nako ga e tle go tlhola e le gona!”

¹⁵⁰ Lo a bona, re tswa ko Bosakhutleng. Re ne re le gone jalo, pele ga go ne go na le lefatshe. A lo ne lo itse seo? Modimo ne a dira motho mo setshwantshong se e Leng sa Gagwe.

¹⁵¹ “O ne o le kae,” O ne a bolelela Jobe a re, fa Jobe a ne a akanya gore o ne a na le botlhale bongwe. Ne a re, “O ne o le kae fa Ke ne ke tlhoma motheo wa lefatshe, pele ga ke ne ke o thaya, fa bomorwa Modimo ba ne ba opela ga mmogo mme dinaledi tsa moso di ne di goeletska ka ntlha ya boipelo?”

¹⁵² “Dinaledi tsa moso di ne di thela lošalaba ka ntlha ya boipelo.” Bone ba ba phatsimang bao ba ne ba thela loshalaba ka ntlha ya boipelo, fa ba ne ba bona gore letsatsi lengwe ba ne ba le motlaagana fano mo lefatsheng. Mme Kgosi, Melegisetke, o ne a tlaa tla ka tshiamo ya Modimo, mme a neele botshelo jwa Gagwe, go re rekolelola ko go Modimo, kwa morago gape, mme re phatsime go gaisa thata dinaledi ka metlha le metlha.

¹⁵³ “O ne o le kae fa Ke ne ke tlhoma motheo wa lefatshe? Go bolela kwa e gokagantsweng gone. Mpolelele se e emeng mo go sone.” Ne a re, “Ikgatlhe. Ke batla go bua le wena jaaka motho.”

Mme Jobe o ne a wela mo sefatlheng sa gagwe jaaka motho yo o suleng. O ne a ka se kgone go go itshokela. Modimo o ne a le foo. Ke lona bao. “O ne o le kae fa Ke ne ke tlhoma metheo ya lefatshe?”¹⁵⁴

¹⁵⁴ Efangedi ena e e galalelang e ne ya porofetiwa ke baporofeti ba Kgolagano e Kgologolo. E fologile go ralala dipaka. E fano bosigong jono. Go rurifaditswe ke Modimo. Yone e anametse lefatsheng. Ba lekile go E tima.

¹⁵⁵ Fela, leka go tima molelo mo letsatsing le le diphefo, le mo—le mo ditlhareng tse di omeletseng fa pele ga yone. Goreng, o ka se kgone go go dira. Fa wena o gatelela go o lwantsha, wena o tswelela o o naya phefo e ntsi go feta; phefo e ntsi go feta e o e o nayang, ke mo o tukang thata go feta. Moo ke selo se le nosi.

¹⁵⁶ Re ne re tlwaetse go nna le molelonyana, golo ko dithabeng, fa ke ne ke tlwaetse go leka go dira gore molelo o tuke go sa le maphakela mo mosong. Ke ne ke tle ke tswele golo koo mme ke latlhele dithupa dingwe mo go gone; one o dire mosi. Ke a itse, jaaka go tlhomame gore go na le mosinyana, go na le molelo foo golo gongwe. Selo se le nosi se ke neng ka tshwanela go se dira ke go tsaya hutshe ya me mme ke o hutswele, mme kgabagare one o ne o ntsha malakabe.

¹⁵⁷ Seo ke se Kereke e se tlhokang gompieno, ke go hutswelwa gongwe ga Phefo e e maatla e e sumang jaaka e ne ya fologa mo Letsatsing la Pentekoste, go E butswelela morago mo Tumelong gape, go amogela Morena Jesu Keresete kwa go tleng ga Gagwe ko Kgalalelong.

¹⁵⁸ Lebelelang ditshupo, dikgakgamatsso, dilo tsa masaitseweng di diragala. “Dithoromo tsa lefatshe mo mafelong a a mefutafuta; makhubu a matona a dintelo a thubaganya letshitshi,” fela jaaka Jesu a rile go ne go tlaa dira, “dipelo tsa batho di palelwa; poifo.”

¹⁵⁹ Poifo, “Ao, ke mang yo o ileng go latlhela bomo ya ntlaa ya khobalte? Ke eng se se tlaa diragalang? Mo dioureng di le mmalwa lefatshe lotlhe le tlaa nyeletswa.” Gobaneng, re tlaa bo re le mo Bolengtengeng jwa Modimo pele ga yone e ise e wele faatshe go tswa mo sefaneng. Go ntse jalo. Go tlaa nna eng? Ga go tle go nna le sepe, fela re tlaa latlha . . .

Kobo ena ya kgale ya nama re tlaa e latlha,
mme re tlhatloge
Mme re tseye sekgele sa bosakhutleng,
Mme re thele lošalaba fa re feta go ralala loapi,
“Sala sentle, sala sentle, oura e e botshe ya
thapelo!”

¹⁶⁰ Go tlaa bo go fedile, mme re tlaa ya Gae. Re beye mmele ona wa kgale faatshe; re o ananyetse korone le kobo, ka kwa, tse di sa tleng go onala. Re fetogele morago go tswa mo monneng mogolo, mosadi mogolo, go yeng ko monaneng, go tshelela ruri

le ka bosaeng kae, re phatsime go gaisa go feta; le bosasweng, go tsamaela kwa godimo le kwa tlase ga mebila ya Kgalalelo, mo Bolengtengeng jwa Morena Jesu Keresete. Re opela, “Kgalalelo go Modimo ko Godimodimo! O dirile dilo tse dikgolo mo gare ga rona.”

¹⁶¹ Fa re santse re le mo loetong gompieno, ka Thata ya Modimo e rurifatsa sengwe le sengwe mo seatleng sengwe le sengwe, a re lebeng mo tikologong mme re boneng fa re leng teng. Lebang setlhare sa mofeige se tlhoga matlhogela. Lebelelang ditlhare tse dingwe di tlhoga matlhogela. Lebelelang ditshaba di tlhoga matlhogela. Lebang Kereka ya Mowa o o Boitshepo e tlhoga matlhogela. Lebang Pentekoste e boelela, e boa, ditshupo tse di tshwanang le dikgakgamatso. Haleluya!

A re ka rapela.

¹⁶² Rara wa Legodimo, re a Go leboga bosigong jono, ka ntlha ya Thata ya tsogo ya ga Jesu Keresete, ka ntlha ya Sebelebele sa Gagwe se segolo se se kwa godimo, ka ntlha ya tlotsa ya Gagwe ya Mowa o o Boitshepo. Re a Go leboga ka gore Ena o fano jaanong, a tshela, a tshela ka metlha yotlhé, a dira ditserganyo mo boipobolong jwa rona. Re Go lebogela Thata ya Gagwe ya phodiso e e re phamotseng jaaka ditswaiso, Morena, e re ntsha mo lebitleng, e re tsositse mme ya ntshwafatsa thata ya rona, mme ya re naya Thata, gore re tle re tswela kong mme re phatsime fano mo lefifing lena. Re Go lebogela sena.

¹⁶³ Rara, re rapela gore O tlaa segofatsa mongwe le mongwe yo o sa bolokesegang. Segofatsa botlhe ba ba bolokesegileng. Go dumelele, Rara. Fodisa balwetse botlhe; amogela kgalalelo. Segofatsa motlaagana ona o monnye. Segofatsa batho. Segofatsa Mokaulengwe Neville, modisa phuthego. Segofatsa batiakone botlhe, batshepegi. Go dumelele, Morena. Baya diatla tsa Gago tsa phodiso mo go bone. Mme fa diabolo a tsena mme a baka dipharologanyo tse dinnye, go fodise, Morena, gone ka bonako, ka Borokhu jwa kwa Gileate. Go dumelele, Morena. Tshollela lookwane la go tlotsa mo go bone. Ba dire ba ba ikobileng mo pelong, ba le botshe mo moweng wa botho. Mma ba tsamaye mo dikgatong tsa Morena Jesu. Dilo tsa senama di a ba diragalela, mme ba a lwala, mma Moengele wa Modimo a eme gaufi, go dirisa Madi a ga Jesu. Go dumelele. Fodisa bolwetse jotlhe.

¹⁶⁴ Nthuse, Morena, jaaka ke tswela golo ka kwa ko madirelong, ke bona letlhoko le legolo leo. A letlhoko mo motlheng o! Didikadike di sule. Baheitane ba le dikete di le lekgolo le masome a manê le bonê ba sule gompieno, ba sa itse Keresete. Nthuse, Modimo yo o Rategang. Re segofatse rotlhe, ga mmogo.

¹⁶⁵ Mme letsatsi lengwe, re tsose mo lefatsheng lena, ka kwa, Morena, go dula le Wena mo setulong sa Gago sa bogosi, mo mafelong a Selegodimo golo ka kwa, mo go Keresete Jesu. Go

dumelele, Rara. Go fitlheleng nakong eo, mma botsogo le nonofo e nne tsa rona, gonne re go kopa ka Leina la Jesu. Amen.

Ao, ke batla go Mmona, ke batla go leba
sefatlhego sa Gagwe,
Koo ke opele ka bosafeleng ka ga tshegofatso
ya Gagwe e e pholosang;
Mo mebileng ya Kgalalelo nte ke tsholetse
lentswe la me;
Ditapisego tsotlhe di fetile, kwa bofelong ke le
Gae, go ipela ka bosafeleng.

Jaaka ke sepela mo lefatsheng le, ke opela fa ke
ntse ke tsamaya,
Ke supela mewa ya botho ko Golegotha, ko
kelelong e e bohubidu jo bo mokgona,
Metsu e mentsi e tlhaba mowa wa me wa botho
go tswa ko ntle, mo teng;
Fela Morena wa me o nketelela pele, ka Ena ke
tshwanetse ke fenyenye.

Ao, ke batla go Mmona, ke lebe sefatlhego sa
Gagwe,
Koo ke opele ka bosafeleng ka ga tshegofatso
ya Gagwe e e pholosang;
Mo mebileng ya Kgalalelo nte ke tsholetse
lentswe la me;
Ditapisego tsotlhe di fetile, kwa bofelong ke le
Gae, go ipela ka bosafeleng.

¹⁶⁶ Jaanong reetsang, motsotsa fela. Ke Mamethodisti a le kae a a leng fano? Tsholetsang diatla tsa lona. Mamethodisti? Ke Mabaptisti ba le kae ba ba leng fano? Tsholetsang diatla tsa lona. Ke Mapresbitheriene a le kae fano? Tsholetsang diatla tsa lona. Ke Manasarene a le kae? Tsholetsang diatla tsa lona. Ke Mapentekoste a le kae? Tsholetsang diatla tsa lona. Ke Malutere a le kae? Tsholetsang diatla tsa lona. Sentle, rotlhe re fano. Lebelelang, setlhophha se segolo, se tswakantswe, botlhe ba ntse mo lefelong le le lengwe, mo mafelong a Selegodimo, ba ipela mo Tshegofatsong.

¹⁶⁷ Jaanong ke batla Mamethodisti ba dumedisane ka diatla le Mabaptisti, Mabaptisti le Malutere. Retologang jaanong mme lo dumedisaneng ka diatla, mme lo retologele morago ka tsela ena, jaanong, jaaka re e opela.

Ke supela mewa ya botho ko Golegotha, ko
kelelong e e bohubidu jo bo mokgona,
Metsu e mentsi e tlhaba mowa wa me wa botho
go tswa ko ntle, mo teng;
Fela Morena wa me o nketelela pele, ka Ena ke
tshwanetse ke fenyenye.

Ao, ke batla go Mmona, ke lebe sefatlhego sa Gagwe,
 Koo ke opele ka bosafeleng ka ga tshegofatso ya Gagwe e e pholosang;
 Mo mebileng ya Kgalalelo nte ke tsholetse lentswe la me;
 Ditapisego tsotlhe di fetile, kwa bofelong ke le gae, go ipela ka bosafeleng.

¹⁶⁸ A moo ga go le dire le ikutlw molemo? A ga go le dire gore lo ikutlw okare lotlhe lo...? Ke Bakeresete ba le kae ba ba leng teng fano? Tsholetsa seatla sa gago. Mongwe le mongwe yo o dumelang mo go Morena Jesu Keresete, tsholetsa seatla sa gago. Ijoo! A selo se se gakgamatsang!

¹⁶⁹ Jaanong jaaka re kgaogana, jaaka re tsamaya, go tswa magaeng a rona a a farologaneng, a re yeng ka thapelo. Jaanong a re opeleng pina ya rona e e molemo, ya kgale ya go phatlalatsa. Ke ba le kae ba ba e itseng? *Tsaya Leina La Jesu Le Wena*. Mongwe le mongwe ga mmogo jaanong, a re opeleng.

Tsaya Leina la Jesu le wena,
 Ngwana wa kutlobotlhoko le wa mathotlhapelo;
 Le tlaa go naya boipelo le kgomotso,
 Le ise, gongwe le gongwe kwa o yang gone.
 Leina le le rategang thata, (Leina le le rategang thata!) Ao tlhe ka foo le leng botshe! (Ao tlhe ka foo le leng botshe!)
 Tsholofelo ya lefatshe le boipelo jwa Legodimo;
 (Ee, Leina le le rategang thata!) Ao tlhe ka fa le leng botshe!
 Tsholofelo ya lefatshe le boipelo jwa Legodimo.

Reetsang:

Fa Leineng la Jesu re obama,
 Re wa re rapalala fa dinaong tsa Gagwe,
 Kgosi ya dikgosi ko Legodimong re tlaa Mo rwesa serwalo,
 Ao, fa mosepele wa rona o fedile.
 Leina le le rategang thata, Ao tlhe ka foo le leng botshe! (Ao tlhe ka foo le leng botshe!)
 Tsholofelo ya lefatshe le boipelo jwa Legodimo;
 Leina le le rategang thata, Ao tlhe ka foo le leng botshe!
 Tsholofelo ya lefatshe le boipelo jwa Legodimo.

¹⁷⁰ Se ke batlang lo se dire ke sena.

Tsaya Leina la Jesu le wena,
Jaaka Thebe ko mmabeng mongwe le mongwe;
Fa dithaelesego tikologong ya gago di kokoana,
Hema Leina le le boitshepo leo ka thapelo.

Leina le le rategang thata, (Leina le le rategang
thata!) Ao tlhe ka fa le leng botshe!
Tsholofelo ya lefatsho le boipelo jwa
Legodimo;

Leina le le rategang thata, (Leina le le rategang
thata!) Ao tlhe ka fa le leng botshe!
Tsholofelo ya lefatsho le boipelo jwa
Legodimo.



TSHIMOLOGO LE BOKHUTLO JWA TEBALEBELO YA BADITSHABA TSW55-0109E
(Beginning And Ending Of The Gentile Dispensation)

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo maitseboeng a Letsatsi la Tshipi, Ferikgong 9, 1955, kwa Motlaaganeng wa Branham ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org